



ISTITUTO
**CAMILLO
BELLIENI**

SEBRAOBI SA
ISPORTELLU SPORTELU LINGUÏSTICU LINGUISTICO



Mara



Bidanos Monteleone



Padria



Monteleone



S'Uunedu



Romana



NOSTRA SEGNORA DE BONUIGHINU

SA FESTA DE CABUDANNI



ATIVIDADE CONTIVIGIADA DAE LUCIA SECHI
PROGETU: "SA LIMBA SARDA IN SOS UF TZIOS E IN TOTUE" ANNUALIDADE 2021

Su Santuàriu intituladu a Santa Addolorada fiat istadu fraigadu, gasi narat unu contu antigu, pròpiu in su tretu in ue Nostra Signora si fiat mustrada a sos abitantes de Mara, pro lis comandare de pònnerre fine a sas brigas cun sos abitantes de sas biddas a curtzu e duncas de àere tratamentu de bonu bighinadu cun sos lacanàrgios, dae custu diat printzipiare su nùmene de Bonuighinu, est a nàrrere Bonu Bighinadu.

Su Santuàriu fraigadu pagu prus a mancu in su de XVII sèculos est istadu ismanniadu e acontzadu in su 1797; a inghèriu de sa crèsia bi sunt sas cumbessias, domitas in ue sos chi andaiant a sa festa si pasaiant e frimmaiant a drommire. Difatis gente meda sa de tres domìngas de su mese de cabudanni tucaiat a sa festa dae Mara e dae àteros logos. Medas andaiant a pee pro pedire una gràtzia o isòrvere una prommissa e istaiant in sas cumbessias o in sas lògias, in ue si podiant amparare. Sos fideles bizaiant Nostra Signora pro tota sa nuina cantende e preghende.

Puru Gràtzia Deledda e Enrico Costa mentovant in sos libros issoro custa festa de importu. In su libru subra de sa vida sua, su bandidu “Giovanni Tolu” in su de tres capìtulos contat: “fiamus in sa meidade de cabudanni de su 1848 e s’acurtziait sa festa de Nostra Signora de Bonuighinu, chi si faghiat a curtzu a una crèsia de campagna, a curtzu a sa bidda de Mara. Custa festa, cun sa fiera chi bi faghent, est una tra sas prus de importu de s’Ìsula, e gente meda bi partètzipat dae su Logudoro e dae sa Planàrgia devotos e curiosos..... A làcana de sa crèsia b’at una corte manna cun sa lògia longa pro comodidades de sos visitadores e de sos mercantes, si bendiat de totu, e si masellaiat a s’abertu petza de bestiàmene, pròpia.....o furada”.

E. Costa, *Giovanni Tolu*, 1897 Giuseppe Dessì, Sassari
Mara in limba a incuru de Cristina Monni